

珠官脞錄卷八

許瑞棠輯著

益智

益智二月花色若蓮出合浦建安八年交州刺史張津以益智子粽餉魏武帝裴松之三國所未採者也南方草木狀

桂

黃志桂出合浦而生必以高山之巔冬夏常清自為林無雜

樹同上

優殿

合浦有菜名優殿以豆醬汁茹食之甚香美同上

醉毘

醉毘藤生山中如萃蒿採取剝之以作毘出合浦太平御覽

簡子藤

簡子藤生緣樹木正二月花四月熟實如黎赤如雄雞冠核如魚鱗生食之味淡出合浦同上

杉葉

合浦東有杉一樹漢安帝永初五年春葉落隨風飄入洛陽城其葉大常數十倍術士廉盛曰合浦東杉葉也此休徵當出王者遣使驗之信乃以千人伐樹役夫多死者其後三百人坐斷株上食過足相容至今猶存南方草木狀張說詩傳聞合

浦葉曾向洛陽飛吳均詩三秋合浦葉九月洞庭枝薛道衡

吳趨行杉葉朝飛向洛京文海夜過歷吳州皇甫丹詩心隨



合浦葉命寄首陽薇揚益川文合浦杉葉飛向洛陽

### 吉利草

吉利草其莖如金釵股形類石斛根類芍藥交廣俚俗多畜  
蠱毒惟此草解之極驗吳黃武中江夏李侯以罪徙合浦初  
入境遇毒其奴吉利者偶得是草焉侯服遂解吉利即遁去  
不知所之侯以此濟人不知其數遂以吉利為名豈李侯者  
徒非其罪或侯自有隱德神明啟吉利者救之耶

南方草木狀

按房千里投荒錄誤寫吉利為吉財

### 栝欄

栝欄櫻也皮可作索絢根樹也直而高其用與栝欄同木棉  
樹高大其實如酒杯皮薄中有如絲棉者色正白破一實得

數斤合浦縣皆有

文選五瓣淵林注

### 鳳仙花

鳳仙花葉如桃葉而有鋸齒極間作花重瓣繽紛頭翅尾足  
皆具翹然如鳳之形故一名鳳仙花有紅白紫數色婦女以  
花搗爛包染指甲少時嫣紅奪目故稱指甲花有歌云指甲  
花蓮指甲草大家染得春纖好又云指甲葉鳳仙花染成纖  
爪似紅芽

按詩家吟詠每以鳳仙花為指甲花意以能染指甲故  
以是得名而不知非也攷稽含南方草木狀謂指甲花  
其樹高五六尺枝條柔弱葉如嫩榆與茉莉相似香亦  
過之胡人移其種於南海而此花極繁細如米粒彼人



多折置襟袖間蓋資其芬馥一名散沫花於以知指甲花之自有真也自以僞者淆之而真者反晦噫又豈獨指甲花爲然歟

檳榔

檳榔多自瓊州安南入廉嗜之者和以嫩石灰佐以薑葉灰少則澁葉多則辣故貴酌其中大嚼則味不回細嚙則甘乃永故貴得其節善食者以爲口實一息不離不善食者汁少而渣清立唾之矣屈翁山有詩云日食檳榔口不空南人口讓北人紅灰多葉少如相等管取臘脂箇箇同謂此邑人素重檳榔欸客必先擎進聘婦者染以絳色佐以薑葉以充筐實蓋薑與葉有夫婦相需之象故邑人以爲聘果屈翁山云

歡作檳榔花儂作扶留葉欲得兩成日花葉長相接又云贈子檳榔花雜以相思葉二物合成日有如郎與妾相思樹其葉可食而薑亦名相思葉云

藍園

藍園去縣南數里多種藍草可製靛自洋靛入廉而藍始衰

甜柚

甜柚多產總江村以肉脚似淡燕支者爲佳移植他處則味變中秋佳節人多購之對月剝擘謂之剝苦癩

荔支

武利羣山多產荔種類不一曰黑葉曰丫善曰綠蘿曰大造正鳳黑葉亦曰金奴子實大核小昔人解金釵而得其種此



上品也丫髻形最小生皆並蒂故曰丫髻多無核即有亦小俗呼爲焦核東坡詩曰啖荔支三百顆不妨長作嶺南人

### 龍眼

廉州果產以龍眼爲最著每花放時市客徧行鄉落間熟視其花可知結果之多寡即付值買之及果熟則雇婦女碎殼去核曝肉乾其肉可爲藥蘇子瞻云廉州龍眼色味殊絕可敵荔枝其詩曰香割蜜脾知味勝價輕魚目爲生多

### 狗兒花

郡中有異草花小而紅兒童採折作大聲就花呼之即有小蟲自花瓣出黑似小犬故呼爲狗兒花

### 筋竹

筋竹葉小多刺叢生箐密惟合浦產之鄉人植之以爲籬落有如牆垣謂之竹根營多年竹生實可取以爲劑